



এমতাবস্থায় গোটা এলাকা মুহূর্তেই রণক্ষেত্রে পরিণত হয়। আন্দোলন চলাকালীন আনুমানিক দুপুর ১২:০০ টায় ঘাতক পুলিশের ছোঁড়া গুলি রিয়াজের মাথায় লাগে। তেজোদ্বীপ্ত সোহাগ সাথে সাথে মাটিতে লুটিয়ে পড়ে। প্রতিকূল যুদ্ধের ময়দান থেকে গুরুতর আহত অবস্থায় সোহাগের সাথে আন্দোলনকারী বন্ধুরা দ্রুত তাঁকে ঢাকা মেডিকেল কলেজ হাসপাতালে নিয়ে যান। তাৎক্ষণিক প্রয়োজন দেখা দেয় রক্তের। এক ব্যাগ রক্ত এবং দুই ব্যাগ স্যালাইন দেওয়ার পরেও শেষ পর্যন্ত চিকিৎসকরা তাঁকে বাঁচাতে পারেননি। দুপুর ২:৩০ মিনিটে চিকিৎসাধীন অবস্থায় পৃথিবীর মায়া ত্যাগ করে হাসপাতালের বিছানায় তিনি শেষ নিঃশ্বাস ত্যাগ করেন।

জানাযা ও দাফন

বৈষম্যবিরোধী আন্দোলনে যোগদানের মাধ্যমে শহীদ সোহাগ নিজের বলিষ্ঠ আদর্শকেই প্রতিফলিত করেছিলেন। তবে অভিযোগ আছে যে, সোহাগের মরদেহ দুই দিন পর্যন্ত পরিবারের হাতে পৌঁছায়নি। অবশেষে, তার মরদেহ ঢাকা মেডিকেল কলেজ হাসপাতাল থেকে পাওয়া যায় এবং নিজ গ্রামের বাড়িতে নিয়ে যাওয়া হয়। সেখানে নামাজে জানাযা শেষে তাঁকে পারিবারিক কবরস্থানে সমাহিত করা হয়। তাঁর জানাজায় অংশগ্রহণকারীরা শহীদের জন্য চোখের পানি ফেলেছে এবং এলাকার মানুষ এই হত্যার জন্য কঠোর প্রতিবাদ জানিয়েছে। বৈষম্যবিরোধী ছাত্র জনতা আন্দোলনে বিপ্লবী শহীদ সোহাগের মতো যুবকদের সাহসিকতা সমাজের জন্য নিঃসন্দেহে অনুপ্রেরণার।

শোকাচ্ছন্ন নিকটজন

সোহাগের মৃত্যুতে তার পরিবার এবং সহপাঠীরা শোকে স্তব্ধ হয়ে যায়। বিশেষ করে তার পরিবার, যারা ১৪ বছর ধরে ঢাকায় বসবাস করছে, এই শোক সহ্য করতে পারছে না। শহীদের পিতা একজন দিনমজুর, আর বড় ভাই রাক্বী মাত্র ৮ হাজার টাকা বেতনের চাকরি করেন। তাদের গ্রামের বাড়ি ভোলার হাজারীগঞ্জের শশীভূষণ এলাকায়, যেখানে একটি ভিটা রয়েছে, কিন্তু সেখানে কোনো স্থায়ী ঘরবাড়ি নেই। দারিদ্রের সাথে লড়াই করেও রিয়াজ তার পরিবারকে স্বপ্ন দেখাচ্ছিলো, কিন্তু সেই স্বপ্ন আর পূর্ণতা পেল না।

শহীদ সম্পর্কে নিকটাত্মীয়ের অনুভূতি

শহীদ সোহাগের মামী ফাতেমা তাঁর সম্পর্কে অনুভূতি প্রকাশ করতে গিয়ে বলেন, সোহাগ একজন ভালো ছাত্র ছিল। সে মাদ্রাসায় হাফেজি পড়েছিল। অভাব অনটনের কারণে সে ঢাকায় গিয়ে ছোট খাটো চাকরি নিয়েছে।

এক নজরে শহীদ হাসনাইন

নাম : মো: সোহাগ

জন্ম তারিখ : ০১-০১-২০০৫

জন্মস্থান : ভোলা

পেশা : ছাত্র

স্থায়ী ঠিকানা : গ্রাম: চরফকিরা ৫নং ওয়ার্ড, ইউনিয়ন: হাজারীগঞ্জ, থানা: শশীভূষণ, জেলা: ভোলা

বর্তমান ঠিকানা : বাসা/মহল্লা: বাঁশতলা, গুলশান-২ ঢাকা

পিতা : সালাউদ্দিন, পেশা ও বয়স দিনমজুর, ৪৬

মাতা : শাহানাজ, পেশা ও বয়স: গৃহিণী, ৪১

ঘটনার স্থান : পল্টন

আক্রমণকারী : ঘাতক পুলিশ

আহত হওয়ার সময়কাল : ১৯ জুলাই ২০২৪, দুপুর ১২ টায়

মৃত্যুর তারিখ ও সময়, স্থান : ১৯ জুলাই ২০২৪, দুপুর ২:৩০ টায়, ঢাকা মেডিকেল কলেজ

কবরের অবস্থান : ভোলা জেলার অন্তর্গত হাজারীগঞ্জ ইউনিয়নের চরফকিরায় নিজ গ্রামে পারিবারিক কবরস্থান

ভাই : রাক্বি, বয়স ১৫, দোকানে চাকরি

বোন : সোহানা, বয়স: ৭, ছাত্রী

সম্ভাব্য প্রস্তাবনা : দরিদ্র পরিবারকে এককালীন আর্থিক অনুদান ও নিয়মিত মাসিক ভাতার ব্যবস্থা করা

: শহীদের দিনমজুর বাবাকে স্থায়ীভাবে ব্যবসা ধরিয়ে দেয়া

: নিম্ন বেতনে চাকুরিজীবী বড় ভাইয়ের উন্নত চাকুরি দেয়া

: ছোট ভাই বোনের পড়ালেখার যাবতীয় খরচ বহন করা